

Обѣдница
(изобразительны)
мирским чином

Старший Молитвами Святых Отец, Господи
Иисусе Христе Боже наш, помилуй нас.

Братия Аминь.

Братия Господи, помилуй. (12 раз)

Старший Слава Отцу и Сыну и Святому Духу.
И ныне и присно и во веки веков.

Братия Аминь.

Старший Благослови, душе́ моя, Господа: благословён еси, Господи.

Чтец (читает псалом 102) Благослови душе́ моя
Господа, и вся внутренняя моя имя святое
Его.

Благослови душе́ моя Господа, и не забывай
всех воздаяний Его;

Очищающего вся беззакония твоя, исцеляющего
вся недуги твоя;

Избавляющего от истления живот твой,
венчающего тя милостию и щедротами;

Исполняющего во благих желание твое:
обновится яко орля юность твоя.

Твори́й милостыни Господь, и судьбу всем
обидимым.

Сказа́ пути́ Своя Моисе́ови, сыновом Исраи́левым
хотения Своя;

Щедр и милостив Господь, долготерпелив
и многомилостив.

Не до конца прогневается, ниже́ во век
враждует;

Не по беззаконием нашим сотворил есть
нам, ниже́ по грехом нашим воздал есть
нам.

Яко по высоте небесней от земли, утвер-
дил есть Господь милость Свою на боя-
щихся Его.

Ели́ко отстоят востóцы от за́пад, уда́лил
есть от нас беззакония наша.

Якоже ще́дрит отец сы́ны, ущедри Гос-
подь боящихся Его.

Яко Той позна́ создание наше, помяну́, яко
персть есмь́.

Человек, яко трава дние его, яко цвет сель-
ный, тако оцветёт;

Яко дух прóйде в нем, и не будет, и не по-
знает ктому места своего.

Милость же Господня от века и до века на
боящихся Его.

И правда Его на сынéх сынов, хранящих
завет Его, и помнящих заповеди Его тво-
рити я.

Господь на небеси угото́ва Престол Свой,
и Царство Его всеми обладает.

Благословите Господа вси Ангели Его, силь-
нии крепостию, творящи слово Его, услы-
шати глас словес Его.

Благословите Господа вся силы Его, слуги Его, творящие волю Его.

Благословите Господа вся дела Его, на всяком месте владычества Его.

Старший Слава Отцу и Сыну и Святому Духу.
И ныне и присно и во веки веков.

Братия Аминь.

Братия Благослови, душе моя, Господа, и вся внутренняя моя имя святое Его. Благословен еси, Господи.

Старший Слава Отцу и Сыну и Святому Духу.

Чтец (читает псалом 145) Хвали, душе моя, Господа. Восхваляю Господа в животе моем, пою Богу моему, дондеже есмь.

Не надейтесь на князи, на сыны человеческия, в нихже несть спасения.

Изыдет дух его и возвратится в землю свою: в той день погибнут вся помышления его.

Блажен, ему же Бог Иаковль помощник его, упование его на Господа Бога своего;

Сотворшаго небо и землю, море и вся, яже в них;

Хранящаго истину в век, творящаго суд обидимым, дающаго пищу алчущим.

Господь решит окованныя, Господь умудряет слепцы.

Господь возводит низверженные, Господь
любит праведники.

Господь хранит пришельцы, сира и вдову
приимет и путь грешных погубит.

Воцарится Господь во век, Бог твой, Си-
оне, в род и род.

Старший И ныне и присно и во веки веков.

*Братия А*минь.

*Старший Е*динородный Сыне, и Слове Божий,
безсмертен Сый. И изволивый спасения
нашего ради воплотитися от Святыя Бо-
городицы и Приснодевы Марии, непре-
ложно Вочеловечивыйся. Распныйся же,
Христе Боже, смертью смерть поправый.
Един Сый Святыя Троицы, прославляе-
мый Отцу и Святому Духу, спаси нас.

*Старший В*о Царствии Твоем, помяни нас, Гос-
поди, егда приидеши во Царствии Твоем.

*Братия Б*лажени нищии духом, яко тех есть Цар-
ство Небесное.

Блажени плачущии, яко тии утешатся.

Блажени кротцыи, яко тии наследят зем-
лю.

Блажени алчущии и жаждущии правды,
яко тии насытятся.

Блажени милостивии, яко тии помилова-
ни будут.

Чтец (читается тропарь текущего гласа из Октоиха)

Братия Блажени чистии сердцем, яко тии Бога узрят.

Чтец (читает тропарь текущего гласа)

Братия Блажени миротворцы, яко тии сѣнове Божии нарекутся.

Чтец (читает тропарь текущего гласа)

Братия Блажени изгнани правды ради, яко тех есть Царство Небесное.

Чтец (читает тропарь текущего гласа)

Братия Блажени естѣ, егда понѣсят вам, и изженѣт, и рекѣт всяк зол глагол на вы, лжущи Мене ради.

Чтец (читает тропарь текущего гласа)

Братия Радуйтесь и веселѣйтесь, яко мзда ваша многа на небесех.

Чтец (читает тропарь текущего гласа)

Братия Слава Отцу и Сыну и Святому Духу.

Чтец (читает тропарь текущего гласа)

Братия **И** ныне и присно и во веки веков.

Чтец (читает тропарь текущего гласа)

Братия Святыи Боже, Святыи Крепкий, Свя-

тый Безсмертный, помилуй нас. (3 раза)
Слава Отцу и Сыну и Святому Духу. Свя-
тый Безсмертный помилуй нас.
Святой Боже, Святой Крепкий, Святой
Безсмертный, помилуй нас.

Чтец Прокимен, Псалом Давидов, глас
(*Читает прокимен текущего гласа*)

Чтец Деяний святых апостол чтение. (Или: Со-
борного послания Иоаннова (Петрова) чтение.
Причем не принято говорить какое это посла-
ние – первое, второе, или третье. Или: К рим-
ляном (К коринфяном; К галатом; К Тимофею
и т.п.) послания святого апостола Павла чте-
ние)

Старший (читает Апостол.)

Чтец Аллилуиа, глас

Братия Аллилуиа, Аллилуиа, Аллилуиа.

Чтец (читает аллилуиарий текущего гласа)

Братия Аллилуиа, Аллилуиа, Аллилуиа.

Чтец (продолжает читать аллилуиарий текущего
гласа)

Братия Аллилуиа, Аллилуиа, Аллилуиа.

Братия Господи помилуй. (3 раза)

Старший От (Матфея; Марка; Луки; Иоанна)

Святаго Евангелия чтение.

Братия Слава Тебе, Господи, слава Тебе. (*поклон*)

Старший (*читает Евангелие воскресного дня:*) «Во время оно ... »

Братия Слава Тебе, Господи, слава Тебе. (*поклон*)

Братия Господи, помилуй. (*40 раз*)

Старший Слава Отцу и Сыну и Святому Духу.
И ныне и присно и во веки веков.

Братия Аминь.

Чтец Ненавидящих и обидящих нас прости, Господи Человеколюбче.

Благотворящим благосотвори.

Братиям и сродником нашим даруй яже ко спасению прошения и жизнь вечную.

В немощех сущия (имена) посети и исцеление даруй.

Яже в мори управи.

Путешествующим (имена) спутешествуй.

Служащим и милующим нас грехов оставление даруй.

Заповедавших нам недостойным молиться о них (имена) помилуй по велицей Твоей милости.

Помяни, Господи, братьев наших плененных и избави я от всякого обстояния.

Помяни, Господи, плодоносящих и добродéлающих во святых Твоих цёрквах, и даждь им яже ко спасению прощёния и жизнь вечную.

Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков.

Братия Аминь.

(После этой молитвы или вместо нее можно также молиться о здравии и о упокоении ближних по своему помяннику, называя их имена:)

(О здравии:) Спаси, Господи, и помилуй ... , и даруй им мирная Твоя и премирная блага.

(О упокоении:) Помяни, Господи, души усопших рабов твоих ... , прости их вся согрешения вольная и невольная, даруя им Царствие и причастие вечных Твоих благих и Твоея бесконечныя и блаженныя жизни наслаждение.

Братия **П**омяни нас, Господи, егда прийдеши во Царствии Твоем. (*поклон*)

Помяни нас, Владыко, егда прийдеши во Царствии Твоем. (*поклон*)

Помяни нас, Святой, егда прийдеши во Царствии Твоем. (*поклон*)

Чтец **Л**ик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея. Приступите к Нему и просветитесь, и лица ваша не постыдятся. Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Старший **С**лава Отцу и Сыну и Святому Духу.

Чтец **Л**ик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

Старший **И** ныне и присно и во веки веков.

Братия **А**минь.

Братия (*читает Символ Веры:*) **В**ерую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденнаго прежде всех век; Света от Света,

Бога Истинна от Бога Истинна, рожденна, несотворенна, Единосушна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Старший Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Братия **Отче** наш, Иже еси на небесех! Да святитится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукавого.

Старший **Господи**, Иисусе Христе, Сыне Божий, помилуй нас.

Братия **Аминь**.

Чтец (читает кондак святому данного дня или воскресный кондак текущего гласа)

Братия **Господи**, помилуй. (12 раз)

Старший **Слава** Отцу и Сыну и Святому Духу.
И ныне и присно и во веки веков.

Братия **Аминь**.

Старший **Всесвятая** Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да вину славлю, пою, поклоняюсь и глаголю: Един Свят, Един Господь, Иисус Христос, во славу Бога Отца.

Братия **Аминь**.

*Чтец (Читает причастный стих текущего гласа из
Октоиха)*

Старший **В**ерую, Господи, и исповедую, яко Ты еси воистинну Христос, Сын Бога Живаго, пришедый в мир грешныя спасти, от них же первый есмь аз. Еще верую, яко Сие есть Самое Пречистое Тело Твое, и Сия есть Самая Честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением; и сподоби мя неосужденно причаститися Пречистых Твоих Таинств, во оставление грехов и в жизнь вечную.

Братия **А**минь.

Старший **В**ечери Твоя Тайныя днесь, Сыне Божий, причастника мя приими; не бо врагом Твоим тайну повею, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Братия **А**минь.

(Старший причащается сам и после этого причащает мирян запасными Святыми Дарами)

Старший (причащая) Причащается раб Божий (имя) Честнаго и Святаго Тела и Крове Господа и Бога и Спаса нашего Иисуса Христа, во оставление грехов своих и в Жизнь Вечную. Аминь.

Братия (во время причащения) Тело Христово примите, Источника безсмертнаго вкусите.

Старший (после причащения) **Б**уди Имя Господне благословено отныне и до века (*поклон*) (3 *раза*)

Старший Слава Отцу и Сыну и Святому Духу. И ныне и присно и во веки веков.

Братия Аминь.

Чтец (читает псалом 33) **Б**лагословлю Господа на всякое время, вѣну хвала Его во устех моих.

О Господе похва́лится душа моя, да услышат кротцыи и возвеселятся.

Возвели́чите Господа со мною, и вознесѣм имя Его вкупе.

Взыска́х Го́спода и услѣ́ша мя, и от всех скорбѣй мо́их изба́ви мя.

Приступі́те к Немú и просветі́теся, и ли́ца ва́ша не постыдѣ́тся.

Сей ни́щій воззва́, и Госпо́дь услѣ́ша ѱ, и от всех скорбѣй егó спасѣ ѱ.

Ополчи́тся Ангел Госпо́день о́крест боя́-

щихъся Его, и избавит их.

Вкусите и видите, яко благ Господь; блаженъ мужъ, иже уповаетъ на Него.

Бойтесь Господа, вси святии Его, яко несть лишения боящимся Его.

Богатии обнищаша и възалкаша, възискающии же Господа не лишатся всякаго блага.

Приидите, чада, послушайте мене, страху Господню научу вас.

Кто есть человекъ хотяй живётъ, любяй дни видети блага

Удержи языкъ твой отъ зла, и устны твои, еже не глаголати лести.

Уклонися отъ зла и сотвори благо. Възвщи мира, и поженй и.

Очи Господни на праведныя, и уши его в молитву ихъ.

Лице же Господне на творящыя злая, еже потребити отъ земли память ихъ.

Возваша праведнии, и Господь услыша ихъ, и отъ всехъ скорбей ихъ избави ихъ. Близъ Господь сокрушенныхъ сердцемъ, и смиренныя духомъ спасетъ.

Многи скорби праведнымъ, и отъ всехъ ихъ избавитъ я Господь.

Хранитъ Господь вся кости ихъ, ни едина отъ

них сокрушится.

Смерть грѣшников люта́, и ненавѣдящии
пра́веднаго прегрѣшат.

Избавит Господь души раб своих, и не пре-
грешат вси уповающии на него.

Братия Достояно есть яко воистинну блажи-
ти Тя, Богородицу, Присноблаженную и
Пренепорочную и Матерь Бога нашего.
Честнейшую Херувим и славнейшую без
сравнения Серафим, без истления Бога Сло-
ва рождшую, сущую Богородицу Тя вели-
чаем.

Братия Слава Отцу и Сыну и Святому Духу. И
ныне и присно и во веки веков. Господи
помилуй, Господи помилуй, Господи по-
милуй. Благослови.

Старший Молитвами святых отец наших, Гос-
поди Иисусе Христе, Сыне Божий, поми-
луй нас.

Братия Аминь.

*(Далее читаются благодарственные молитвы
по святом причащении.)*